





第四〇〇册

四庫全書

●上海古籍出版社

本冊目次

欽定續通志(九)

清
曹仁虎等奉敕撰……一

欽定續通志(九)

欽定四庫全書

史部
欽定續通志卷四百九十九
至五百四

編修臣謝振定覆勘

總校官原任侍講臣王燕緒

欽定四庫全書

欽定續通志卷四百九十九

列傳

元五十三

馬祖常

庫庫和和

策丹

阿榮

蘇爾約蘇哈雅

達爾瑪

伊魯特穆爾

琳沁巴勒

欽定四庫全書

欽定續通志
卷四百九十九

廉和斯喀雅

達爾瑪實哩

馬祖常字伯庸世為永古特部居靖州天山伊克努爾

之曾孫也父潤同知漳州路總管府事

按祖常自撰石田山房記載其

父字浚儀贈都尉

開封府伯嘗監光州家於光州祖常七歲知學十歲時

見燭歌燒屋解衣沃水以滅火咸嗟異之既長益篤學

受業於蜀儒張頤講道儀真往受業其門頤甚器之延

祐初鄉貢會試皆中第一廷試為第二授應奉翰林文

字按元明善送祖常南歸序作應奉翰林文字林文字同知制誥兼國史院編脩官拜監察御史時

仁宗在御已久猶居東宮飲酒常過度祖常抗疏陳諫

英宗為皇太子又上書請慎簡師傅又劾姦臣特們德

爾列其十罪仁宗震怒罷特們德爾相泰州山移祖常

言山不當動而動由野有當用不用之賢官有當言不

言之佞故致然爾疏聞大臣皆家居待罪祖常薦賢拔

滯知無不言俄改宣政院經歷月餘辭歸起為社稷累

令亡何姦臣復相左遷開平縣縣尹因欲中傷之遂退

居光州久之姦臣既死乃除翰林待制累遷禮部尚書

欽定四庫全書

欽定四庫全書

卷四百九十九

二

尋辭歸天歷元年召為燕王內尉仍入禮部兩知貢舉

一為讀卷官時稱得人遷江南行臺中丞元統元年召

議新政拜御史中丞持憲務存大體不事苛細除樞密

副使頃之辭職歸光州復除江南行臺中丞又遷陝西

皆以疾不赴至元四年卒贈魏郡公諡文貞祖常立朝

多所建明其為文章宏贍而精核尤精於詩有文集行

於世嘗預修英宗實錄又譯潤皇圖大訓承華事略又

編集列后金鑑千秋記畧以進受賜優渥文宗嘗數賞

為中原碩儒云

庫庫字子山喀喇氏博果密之子也幼隸業國學博通

羣書長襲宿衛始授承直郎集賢待制選兵部郎中轉

祕書監丞奉命往覈泉舶芥視珠犀不少留目累官至

翰林學士承旨知制誥兼修國史知經筵事先是文宗

勵精圖治庫庫嘗以聖賢格言講誦帝側裨益良多順

帝即位之後翦除權姦思更治化庫庫侍經筵日勸帝

務學帝輒就之習授欲寵以師禮庫庫力辭不可凡四

欽定四庫全書

欽定四庫全書

卷四百九十九

三

書六經所載治道悉為紬繹必使感動帝衷帝暇日欲

觀古名畫庫庫即取郭忠恕比干圖以進帝偶覽宋徽

宗畫稱善庫庫言徽宗多能惟不能為君爾或遇天變

民災必憂見於色乘間進言請帝側身修行以回天意

帝察其真誠每虛已聽之大臣議罷先朝所置奎章閣

學士院及藝文監諸屬官庫庫進曰民有千金之產猶

設家塾延館客宜有堂堂天朝一學房不能容耶帝聞

而深然之即改奎章閣為宣文閣藝文監為崇文監存

設如初就命庫庫董治時科舉既輟庫庫從容為帝言
帝采其論尋復舊制一日進讀司馬光資治通鑑因請
速金宗三史後置局纂修實由庫庫發其端又請行鄉
飲酒於國學使民知遜第及請褒贈唐劉蕡宗邵雍以
旌道德正直帝從其請庫庫以重望居高位而雅愛儒
士以故四方士大夫翕然宗之既而出拜江浙行省平
章政事明年復以翰林學士承旨召還時中書平章關
員近臣欲有所薦以言覲帝意帝曰平章已有人今行
欽定四庫全書

欽定四庫全書

四

半途矣近臣知帝意存庫庫不復薦人至京七日感熱
疾卒至正五年也家貧幾無以為斂帝震悼賜賻有加
庫庫善真行草書單牘片紙人爭寶之

按親耕錄云庫庫嘗問客云一

日可寫幾許字客曰問趙學士云一日可寫萬字庫庫曰余一日寫三萬字未嘗以力倦而輟筆此工書之一証也附

諡文忠兄和

和字子淵敦默寡言嗜學能文在成宗朝宿衛擢太
常院使武宗正位以藩邸舊臣出使稱旨至大間累遷
河南廉訪使行省丞相行事多不法納琳為郎中每格

不下丞相怒欲出之和和察其賢抗章舉任風憲後歷
三臺為名臣英宗即位丞相拜珠首薦為戶部尚書尋
拜南臺侍御史改參議中書以議定刑書如法帝嘉納
其奏泰定初奏減漕運糧數以紓東南民力遷江浙行
省右丞文宗立除宣政院使上言乞沙汰僧道權中書
右丞力辭還第聞明宗崩流涕不能食自是杜門不出
者數年以疾卒與弟庫庫皆為時之名臣庫庫子維山
歷官崇文太監

欽定四庫全書

欽定四庫全書

五

策丹蒙古人英宗時由舒庫爾齊擢監察御史錄囚大
興縣以冤獄上御史臺臺臣不聽改委他御史獄之竟
處死後數日其冤始白人服其明泰定二年扈從至上
都糾言參知政事楊庭玉贓罪不報即納印還京師帝
遣使追之俾復任即再上章劾庭玉竟如其言又劾奏
平章政事圖們岱爾預聞英宗被弑之謀不省轉賜圖
們岱爾黃金繫腰策丹遂辭職改工部員外郎中書省
委聞混河策丹往視之以為難成役乃罷會三皇后殂

欽定四庫全書

欽定四庫全書

卷四百九十九

六

命工部撤行殿車帳皆新作之策丹入見帝奏曰皇后行殿車帳尚新若改作之恐勞民費財必欲捨舊更新則大明殿乃自世祖所御列聖嗣位豈皆改作乎帝悅語省臣曰用人如策丹庶不悞大事遷吏部員外郎帝欲加號太后曰太皇太后策丹謂於典禮不合議遂罷遷中書客省使俄改同食宣政院事文宗即位除中書左司郎中有詔使自江浙還言行省臣意若有不服者帝怒命遣使問不敬狀將悉誅之策丹言於丞相雅克

欽定四庫全書

欽定四庫全書

卷四百九十九

七

憲湖南文宗嘗欲游西湖策丹諫止之不聽遂稱疾不從文宗顧謂臺臣曰策丹終不滿朕此游耶臺臣嘗奏除目文宗塗一人姓名而綴將作院官拉里之名策丹言拉里為人詼諧惟可任教坊司若居風紀則臺綱掃地矣文宗乃止已而出為陝西行臺侍御史順帝初除福建轉運鹽使既而為浙西肅政廉訪使時有以內駙馬為江浙行省丞相者其宦豎恃勢不法策丹逮之械以令衆自是丞相府無敢為民害者尋召為同食樞密院事復為治書侍御史同知經筵事寧夏人有告瑯們等謀害太師巴延者巴延委策丹與中書樞密等官往寧夏鞫問無其情乃以誣罔坐告者罪巴延怒乃左遷策丹同知藏政院事策丹歷事四朝銜銜剛介終始一節有古遺直風然卒以是忤權貴不復柄用君子惜焉阿榮字存初奇味氏父阿勒坦中書右丞阿榮幼事武宗脩宿衛累遷為湖南道宣尉副使會列郡飢分廩祿以食餓者仍發粟賑之所活甚衆廣西寇起衆皆洶懼

阿榮鎮之以靜督有司治兵守其境寇不敢入遷湖廣
行省左右司郎中天歷二年積官至奎章閣大學士文
宗甚眷遇之阿榮自盡心國政知無不言久之忽鬱鬱
不樂謁告南歸武昌至元年卒初阿榮閑居以文翰
自娛讀書慕古忠臣孝子之行尤深於數學推事多奇
中天歷三年按文宗紀天歷三年實至順元年也改元在五月而延誤以三月故本傳及選舉志並稱天歷三年策士於廷阿榮與虞集會於直廬慨然興嘆語
集曰更一科後科舉當輟輟兩科而復復則人材彬彬

欽定四庫全書

欽定四庫全書

九

大出矣又嘆曰榮不復見之矣君猶及見之集問何以
知之弗答後五年卒元統三年科舉果罷至正元年始
復按順帝紀罷行科舉在至元元年即傳所云元統三年也至科舉之復則在至元六年本傳作至正元年誤如其言

蘇爾約蘇阿雅阿爾哈雅之孫也父楚國忠惠公名來
格根蘇爾約蘇哈雅遂以袞為氏復以酸齋自號年十
二三膂力絕人運舉生風觀者辟易或挽強射生上下
峻阪如飛稍長折節讀書為文不蹈襲故常能出人意

表初襲父官為兩淮萬戶府達魯噶齊鎮永州御軍極
嚴行伍肅然暇輒投壺雅歌不為形迹所拘一日呼弟
呼圖克哈雅語曰吾宦情素薄願祖父之爵不敢不襲
今願以讓弟即解所綰黃金虎符佩之比從姚燧學燧
見其古文峭厲有法及歌行古樂府慷慨激烈大奇之
仁宗在東宮聞以爵讓謂宮臣曰將相家子弟有如是
賢者耶俄遷為英宗潛邸說書秀才宿衛禁中仁宗踐
阼上疏條六事一日釋邊戍以修文德二曰教太子以

欽定四庫全書

欽定四庫全書

九

正國本三曰設諫官以輔聖德四曰表姓氏以旌勲冒
五曰定服色以變風俗六曰舉賢才以恢至道書凡萬
餘言未報拜翰林侍讀學士知制誥同修國史會議科
舉事多所建明忽謂然嘆曰辭尊居卑昔賢所尚今禁
林清選與所讓軍資孰高人將議吾後矣乃稱疾辭還
江南賣藥於錢塘市中詭姓名易服色人無有識之者
偶過梁山灤見漁父織蘆花為被欲易之以絢漁父請
賦詩遂援筆立成竟持被去人間喧傳蘆花被詩其依

隱玩世多類此晚年為文日遽詩亦冲澹草隸等書稍取古人所長變化自成一家士大夫得其片言尺牘如獲拱璧泰定元年卒追封京兆郡公諡文靖有文集及直解孝經一卷行於世子二人阿爾斯蘭哈雅布斯哈雅

達爾瑪高昌人薩奇蘇博作回鶻人山東行省都督薩奇蘇之孫

也弱冠入宿衛大德十一年授御藥院達魯噶齊遷回藥物院尋出食湖北山南兩道廉訪司事召拜監察

欽定四庫全書

御史時丞相特們德爾專權貪肆達爾瑪率同寅額琳沁馬祖常劾其罪高昌僧特丞相威達法娶婦達爾瑪

詰問之風紀大振擢河東廉訪副使至治元年特們德爾復相以復讎為事達爾瑪辭去明年改燕南道廉訪

副使三年原文誤作至治元年今改正除濟寧路總管興學勸農百廢具修府無停事泰定元年升福建廉訪使朝廷遣宦

官已延催督綉段橫取民財宣政院判官卓琳亦取賂於富僧達爾瑪皆劾之遷浙西廉訪使會文宗發江陵

阿爾噶圖來諭旨求賂不獲還譖於朝召至京將處以

重罪比至帝怒解還上都同知留守天歷二年原文誤作天歷

元年今據文宗紀改正明宗崩文宗復正大統使者旁午達爾瑪

朝暮盡力事無缺失天歷三年文宗紀作至順元年遷淮東廉訪

使明年召拜刑部尚書元統元年升遼陽行省參知政

事高麗國使朝京道過遼陽謁省官各奉布四匹書一

幅用征東省印封之達爾瑪詰其使曰國制設印以署

公牘何為封私書況汝出國時我尚未為遼陽省官何

故有書遺我使辭屈即還其書與布三年遷山東廉訪

使時山東盜起乘馬騾及新李白晝殺掠達爾瑪以為

官吏貪汚所致先劾去之而後上擒賊方略朝廷嘉納

之即遣兵擒獲齊魯以安除大都留守帝嘗命脩七星

堂達爾瑪務為樸素左右皆不然及車駕自上京還入

觀之大喜歎曰有心哉留守也至正六年升河南行省

右丞改翰林學士承旨七年遷陝西行臺中丞致仕全

俸優養終身

伊嚕特穆爾布朗吉爾都爾伯特氏曾祖古裕事太祖
為管領齊哩克昆集寨官祖哈喇襲父職事世祖父布
呼齊由宿衛為中書右司員外郎與丞相哈喇哈斯建
議迎立武宗累遷至山北遼東道肅政廉訪使伊嚕特
穆爾做僮有大志年十二成宗命與哈喇哈斯之子托
歡同入國學仁宗時入宿衛帝問知為布呼齊子因傳
旨令常侍禁廷母止其入久之拜監察御史巡按上都
劾奏太師右丞相特們德爾受張弼賕貸死帝怒碎太
欽定四庫全書

欽定四庫全書

卷四十九

三

帶繫獄特們德爾乃使青沙津總伊嚕特穆爾為御史
時誣丞相受賕皇太后命丞相哈喇克繼推問不實事遂
釋特們德爾乃奏以為山東鹽運司副使期月間鹽課
增以萬計丁外艱扶喪西還擢山南江北道肅政廉訪
副使泰定初遷汴梁路總管致和元年河南行省平章
巴延矯制起為本省叅知政事共議起兵伊嚕特穆爾
辭曰皇子北還問叅政受命何人則將何辭以對巴延
怒會明將克棟阿還皇子過河南而伊嚕特穆爾為御
史時嘗劾其娶娼女冒受封明將克棟阿因說巴延收
之丞相拜布哈亦與之有隙乃謫伊嚕特穆爾乾寧安
撫司安置至順四年移置雷州至元六年順帝召之還
至正二年入覲帝欲留之以母喪未葬辭四年乃起同
知將作院事尋除大宗正府伊克扎爾古齊九年拜翰
林學士承旨知經筵事進讀之際引援經史一本於王
道帝嘉納焉十二年江南盜賊充斥詔拜伊嚕特穆爾
平章政事行省江浙比至鎮詢守備之方招募民兵數

欽定四庫全書

卷四十九

三

千號令明肅統師至建德獲首賊何福斬於市遂復淳安等縣俘獲萬餘人是年次徽州以疾卒於軍中

琳沁巴勒西夏人知樞密院事安巴子也性剛直動有禮法仁宗召見令入宿衛延祐六年起拜翰林侍講學士至治二年調同知通政院事五遷為侍御史兼唐古親軍都指揮使至順初拜翰林學士承旨遷功德使尋復為翰林學士承旨元統至元之間丞相巴延專權擅政嫉其論事不阿出為江南行臺御史大夫尋殺其子

欽定四庫全書

欽定四庫全書

卷四百九十九

十四

達爾瑪而謫置海南已延敗乃召還朝至正六年拜御史大夫盡選中外廉能之官置諸風憲一時號稱得人遷宣政院使出為甘肅行省平章政事設法弭西羌之寇民賴以安召還知樞密院事尋復為御史大夫總經筵事兼宣忠烏魯斯危衛親軍指揮使嘗奏言風俗人心日趨於薄請禁故吏不許彈劾所事官長太師滿濟勒噶台與子丞相托克托既謫居在外時相欲傾之噉人告變且扳臺臣同上奏額琳沁巴勒不從凡遇經筵

進講必詳必慎帝每嘉納監察御史劾時相帝不聽額琳沁巴勒反覆論奏不已由是忤帝意出為江浙行省

平章政事遷拜湖廣行省左丞相復召知樞密院事十一年額昂盜起官兵多失律致敗數進言於時相不見聽復出為江浙行省左丞相十二年移江西時妖寇由浙黃陷饒州饒之屬邑安仁民皆相挺為亂琳沁巴勒因駐兵招之來者厚加賞賚不從者縱火攻散之餘干久為盜區至是亦聞風順服初江西行省平章政事道

欽定四庫全書

欽定四庫全書

卷四百九十九

十五

通以寬容為政軍民懾弛琳沁巴勒既至風采一新威聲大振所在羣盜咸謀歸款十四年卒於官所部為之喪氣追封齊王謚忠獻子九人

廉和斯哈雅字公亮博囉哈雅之孫希憲從子也父阿哩衮哈雅廣德路達魯噶齊和斯哈雅幼孤言及父輒泣下貧居養母垢衣糲食不以為恥母喪哀毀踰禮負喪渡江而風濤作舟人以神龍忌屍為言即仰天大呼曰吾將附母於先塋神奈何阨我也風遂止年弱冠大

臣欲俾入宿衛辭曰吾從父

原文作大父今改正

事世祖以通經

號廉孟子今方設科取士願讀書以科第進乃入國學

至治元年登進士第授同知順州事有弓匠提舉滿達

勒者怙勢奪州民田同列畏之和斯哈雅至即窮治之

在官期年召入史館預修英宗顯宗實錄

原文作預修英宗仁宗實錄

錄前後倒置考本紀延祐七年纂修仁宗實錄其時和斯哈雅未登第也又考泰定元年命修英宗顯宗實錄

應在此時謹改正尋拜監察御史時中書省有大臣貪

猥狼籍即抗章劾之既又劾奏明埒棟阿不當攝祭太

欽定四庫全書

欽定四庫全書

卷四十九

廟遷都水監疏會通河隄灤漆二水又修京東開歷秘

書丞會福總管府治中上疏言二月迎佛費財蠹俗時

論題之出貪淮東廉訪司事逸升江南行省御史臺經

歷時山東鹽法大壞以選除都轉運使未期月輒課最

至正三年初行郊禮名拜侍儀使明年預修遼金宋三

史遷崇文太監自是累遷為河南行省右丞時詔發民

治決河徧騷屬郡亟以不便上言而時宰不用遷湖廣

行省右丞以武昌失守連坐既而事白遷江西行省右

丞時所諫郡縣多陷於賊乃與平章政事司徒道通協

謀彈力定守禦招捕之策就除本道廉訪使未幾江西

省治亦陷適往福建久之除遷江浙行樞密院事改拜

福建行省右丞以兵鎮延平邵武境內以寧居歲餘奉

詔還治省事總備禦事且督賦稅由海道供京師朝廷

賴焉遷行宣政院使明年拜翰林學士承旨知制誥兼

修國史卒

達爾瑪實哩字邊道齊哩克台氏其先北方大族六世

始祖居開平父曰阿拉克布哈江西行省參知政事追

封趙國公諡襄惠達爾瑪實哩幼穎敏從師授經史過

目輒領解至正五年經筵選充譯史累官至刑部尚書

提調南北兵馬司巡綽事盜逼畿甸人心大恐達爾瑪

實哩鎮之以靜民恃以安二十一年由中書參議升中

書參知政事同知經筵事二十三年遷上都留守兼開

平府尹分司土嶺東鎮三州以督轉輸二十四年朝廷

以前中書平章政事達實特穆爾來為留守時博囉特

穆爾擁兵京師皇太子出居於外達爾瑪實哩與達實特穆爾皆以忠義許國相與結人心以觀時變未幾改授達實特穆爾為大司農達實特穆爾謂達爾瑪實哩曰若至京師則制於強臣未易圖也因留不行適塔奇勒以博羅特穆爾命屯兵哈里泊而以留守善安集兵於鄂濟哩部落達爾瑪實哩遇之有禮善安辭去博羅特穆爾復調特穆爾托噶蘇克至上都以守禦為名事益矛盾達爾瑪實哩與之周旋略無幾微見於外而密

欽定四庫全書

欽定四庫全書

卷四十九

六

遣使通音問於汗哈勒哈行樞密知院伊埒岱爾請亟調兵南行又遣留守司照磨陳恭取兵興州訪求在閑官吏之有才者約東東西手巴爾噶齊虎賁司糾集丁壯苗軍火銳什伍相聯一旦布列鐵櫓竿山下揚言四方勤王之師皆至特穆爾等駭走所將兵盡潰由是達爾瑪實哩增修武備城守益嚴二十五年皇太子在冀寧命立上都分省達實特穆爾為平章政事達爾瑪實哩為右丞便宜行事圖沁特穆爾用博羅特穆爾命以

兵犯上都先遣利用少監特爾格齊至上都令備糧餉遠近大軍達爾瑪實哩開陳大義發之於市民情乃定已而圖沁特穆爾率馬步軍撤野而至呼聲動天達爾瑪實哩飭軍士守城申明逆順之理以安人心巡視城壁晝夜不少息夜遣死士縋城而下焚其攻具調副留守圖嚕默色哈雅引兵出戰敗之未幾博羅特穆爾伏誅圖沁特穆爾奔潰上都以安拜中書右丞兼上都留守提調虎賁司仍命提調東西手巴爾噶齊明年召為

欽定四庫全書

欽定四庫全書

卷四十九

六

大宗正府伊克扎爾古齊又明年拜太子詹事奉詔至軍中宣明大義藩將感悅遷翰林學士承旨除知樞密院事兼大撫軍院事初大撫軍院之立皇太子專以備禦庫庫特穆爾既而政權不一事務益垂迨達爾瑪實哩至事已無可為者達爾瑪實哩之卒也先一夕集賽官哈喇章夢太祖召見語之曰我以勤勞取天下以傳於托歡特穆爾而阿裕實哩達喇不克肖似廢壞我家法苟不即改圖天命不可保矣汝明旦亟以吾言告而

主及阿裕實哩達喇汝不以告吾即殛汝告而不改則
吾有以處之達爾瑪實哩其人庶幾識事然知而不言
將焉用之吾其先殛之矣明日哈喇章入見帝具以夢
告帝令以告皇太子比出則達爾瑪實哩已無疾而卒
矣

欽定四庫全書

欽定續通志
卷四百九十九

字

欽定續通志卷四百九十九

欽定四庫全書

欽定續通志卷五百

列傳

元五十四

察罕特穆爾

庫庫特穆爾

達實巴圖爾

慶通

伊蘇

徹里特穆爾

納琳

巴延特穆爾

劉哈喇布哈

欽定四庫全書

欽定續通志
卷五百

舒穆魯宜孫

穆爾濟蘇

察罕特穆爾字廷瑞系出北庭曾祖庫庫台元初隨大
軍收河南祖柰台父阿魯麻皆家河南為潁州沈丘人
察罕特穆爾幼篤學嘗應進士舉有時名居常慨然有
當世之志至正十一年盜發汝潁不數月江淮諸郡皆
陷朝廷徵兵致討卒無成功十二年察罕特穆爾乃奮
義起兵沈丘之子弟從者數百人與信陽之羅山人李
思齊合兵同設奇計襲破羅山朝廷授察罕特穆爾汝

寧府達魯噶齊於是所在義士俱將兵來會得萬人自成一軍屯沈丘數與賊戰輒克捷十五年賊勢滋蔓由汴以南陷鄆許嵩洛察罕特穆爾兵日益盛轉戰而北遂戍虎牢以遏賊鋒賊乃北渡盟津焚掠至覃懷河北震動察罕特穆爾進戰殲之無遺類河北遂定朝廷奇其功除中書刑部侍郎苗軍以焚陽叛察罕特穆爾復襲之虜其衆幾盡乃結營屯中牟已而淮右賊衆掠汴以西來擣中牟營察罕特穆爾結陣待之以死生利害

欽定四庫全書

欽定四庫全書

卷五百

論士卒士卒賈勇決死戰賊勢披靡不能支棄旗鼓遁追殺十餘里軍聲益振十六年升中書兵部尚書繼而賊西陷陝州斷散函勢欲趨秦晉知樞密院事達實巴圖爾方節制河南軍調察罕特穆爾與李思齊往攻之夜拔穀陵立柵交口險且固賊轉南山東給食以堅守攻之猝不可拔察罕特穆爾乃焚馬矢如炊烟狀以疑賊而夜提兵拔靈寶城守既備賊始覺不敢動即渡河陷平陸掠安邑蹂晉南鄆察罕特穆爾追襲之賊回扼

下陽津赴水死者甚衆相持數月賊皆遁潰以功加僉河北行樞密院事十七年賊尋出襄樊陷商州攻武關直趨長安分掠同華諸州三輔震恐陝西省臺來告急察罕特穆爾即領大衆入潼關與賊遇戰輒勝賊黨皆潰走南山入興元朝廷嘉其功授陝西行省左丞未幾賊出自巴蜀陷秦隴據鞏昌遂窺鳳翔察罕特穆爾即分兵守鳳翔遣諜者誘賊賊果來圍之察罕特穆爾自將鐵騎晝夜馳二百里往赴分軍張左右翼掩擊之城

欽定四庫全書

欽定四庫全書

卷五百

中軍亦鼓噪而出內外合擊賊大潰斬首數萬級餘黨皆遁關中悉定十八年山東賊分道犯京畿朝廷徵四方兵入衛詔察罕特穆爾以兵屯涿州察罕特穆爾即留兵戍清涼義谷屯潼關塞南山口以備他盜自將銳卒往赴召按順帝起至正十八年詔察罕特穆爾屯陝西與本傳異而曹濮賊方分道踰太行焚上黨掠晉冀陷雲中雁門代郡烽火數千里察罕特穆爾先遣兵伏南山阻隘自勒重兵屯聞喜絳陽賊果走南山伏兵橫擊之賊皆棄輜重走山谷其

得南還者無幾乃分兵屯澤州塞碗子城屯上黨塞吾
兒谷屯并州塞井陘口以杜太行諸道賊屢至守將數
戰却之河東悉定進陝西行省右丞兼行臺侍御史同
知河南行樞密院事於是詔察罕特穆爾守禦關陝晉
冀撫鎮漢沔荆襄便宜行事察罕特穆爾益務練兵訓
農以平定四方為己責是年安豐賊劉福通等陷汴梁
造宮闕易正朔號召羣盜巴蜀荆楚江淮齊魯遼海西
至甘肅所在兵起察罕特穆爾乃北塞太行南守鞏洛

欽定四庫全書

欽定四庫全書

卷五百

而自將中軍軍沔池會叛將周全齋單懷入汴城合兵
攻洛陽察罕特穆爾下令嚴守備別以奇兵出宜陽自
將精騎發新安求援賊至城下見堅壁不可犯遂引去
因追至虎牢塞成臯諸險而還拜陝西行省平章政事
仍兼同知行樞密院事便宜行事十九年察罕特穆爾
圖復汴梁以大軍次虎牢先發遊騎南道出汴南畧歸
亳陳蔡北道出汴東水陸竝下畧曹南據黃陵渡乃大
發秦兵出函關過虎牢晉兵出太行踰黃河俱會汴城

下首奪其外城自將鐵騎屯杏花營諸將環城而壘賊
屢戰輒敗乃夜伏兵城南旦日遣苗軍畧城而東賊出
追伏兵鼓噪起擊敗之又令弱卒立柵外城以餌賊賊
出爭之弱卒佯走因突鐵騎縱擊悉擒其衆賊自是益
不敢出謀知城中食盡乃與諸將議各分門而攻夜斬
闕而入遂拔之劉福通奉其偽主從數百騎出東門遁
走獲偽后及賊妻子數萬偽官五千符璽印章寶貨無
算河南悉定以功拜河南行省平章政事兼知河南行

欽定四庫全書

欽定四庫全書

卷五百

五

樞密院事陝西行臺御史中丞仍便宜行事先是中原
亂江南海漕不復通京師屢苦饑至是河南既定江浙
海漕復至察罕特穆爾乃分兵鎮關陝荆襄河洛江淮
而重兵屯太行營壘旌旗相望數千里乃謀大舉以復
山東二十一年謀知山東羣賊自相攻殺而濟寧田豐
降于賊察罕特穆爾乃興疾自陝抵洛大會諸將分道
竝進而自率鐵騎渡孟津踰單懷鼓行而東復冠州東
昌師至鹽河遣其子庫庫特穆爾及諸將等以精卒五